



RUDNICI MRKOG UGLJA «BANOVICI» d.d. BANOVICI

Ulica Armije BiH 52, 75290 Banovići; Bosna i Hercegovina;
Telefoni-Centrala: 00387 35 870-600; 875-010; Fax: 00387 35 875-166
Rješenje Kantonalnog suda Tuzla br: U/I-0891/98. ID PDV broj: 209329530001
Identifikacijski broj: 4209329530001 Porezni broj: 03421100

www.rmub.ba



Broj: 9896 /18.
Banovići, 11/11 2018. godina

Na osnovu člana 100. stav 3. Zakona o javnim nabavkama BiH ("Sl. Glasnik BiH" broj: 39) i člana 82. Statuta RMU Banovići d.d. Banovići broj: 317/16 od 11.01.2016. godine, Ugovorni organ RMU „Banovići“ d.d. Banovići u vezi žalbe broj: 54-05/2018 od 03.05.2018. zaprimljena (04.05.2018.) žalitelja Konzorcij: NV INVEST d.o.o. SARAJEVO, ŠINVOZ d.o.o. ZRENJANIN na Rješenje broj: 6883/18 od 30.04.2018. donosi

RJEŠENJE

1. Žalba broj: 54-05/2018 od 03.05.2018. zaprimljena (04.05.2018.) žalitelja Konzorcij: NV INVEST d.o.o. SARAJEVO, ŠINVOZ d.o.o. ZRENJANIN na Rješenje broj: 6883/18 od 30.04.2018. je **osnovana**.
2. Tačka 3. Dispozitiva Rješenja broj: 6883/18 od 30.04.2018. **mijenja se i glasi:**
*Na preporuku Komisije za nabavku broj: 82aZCbc/18 od 29.05.2018. godine Ugovor za javnu nabavku: OPREMA KOČIONE OPREME ZA ŠINSKA VOZILA, broj nabavke C-U 25/18, dodjeljuje se ponuđaču Konzorcij: NV INVEST d.o.o. SARAJEVO, ŠINVOZ d.o.o. ZRENJANIN, ponuda br.01-03/2018, dostavljena 07.03.2018. godine, za ponuđenu cijenu u iznosu od **101.985,00 KM bez PDV-a kao najpovoljnijem ponuđaču.***
3. Izabrani ponuđač je dužan da u roku od 5 (pet) dana od dana dostave ovog Rješenja dostavi originale ili ovjerene kopije dokumentacije iz člana 45. i 47. Zakona o javnim nabavkama. Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ovo Rješenje će se poništiti.
4. Prijedlog Ugovora o nabavci dostaviće se na potpis izabranom ponuđaču nakon isteka roka od 15 dana, računajući od dana kada su svi ponuđači obaviješteni o izboru najpovoljnije ponude.
5. Ovo Rješenje stupa na snagu danom donošenja i dostavit će se svim ponuđačima koji su učestvovali u predmetnom postupku javne nabavke u skladu sa članom 100. stav (3) Zakona o javnim nabavkama BiH.
6. Za izvršenje ovog Rješenja zadužuje se i ovlašćuje Komercijalni sektor.
7. Ovo Rješenje objavit će se na web-stranici: www.rmub.ba.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 2686/18 od 19.02.2018. Javna nabavka je sprovedena otvorenim postupkom gdje je procijenjena vrijednost javne nabavke bez PDV-a je 102.000,00 KM. Obavještenje o nabavci broj: 565-1-2-190-3-95/18, objavljeno dana 19.02.2018. godine, sažetak obavještenja o nabavci objavljen je u Sl. Glasniku BiH broj 13/18 od 23.02.2018. godine. Komisija za nabavku, imenovana je Rješenjem broj: 20111/17 od 28.11.2017. godine.

Komisija za javnu nabavku dostavila je Direktor Društva Zapisnik o pregledu i ocjeni ponuda broj: 82aZC/18 od 23.03.2018. godine, Preporuku o izboru najpovoljnijeg ponuđača broj: P-82aZC/18 od 23.03.2018. godine i Izveštaj o radu broj: I-82aZC/18 od 23.03.2018. godine, u postupku javne nabavke: OPRAVKA KOČIONE OPREME ZA ŠINSKA VOZILA, broj nabavke C-U 25/18.

Slijedom navedenog Ugovorni organ je donio Odluku o izboru najpovoljnijeg ponuđača broj: 5741/18 od 13.04.2018. kojom je, između ostalog, utvrđeno da je najpovoljniji ponuđač ŽELVOZ 026 d.o.o. SMEDEREVO.

U zakonskom roku ponuđač Konzorcij: NV INVEST d.o.o. SARAJEVO, ŠINVOZ d.o.o. ZRENJANIN podnio je žalbu broj: 44-04/2018 od 23.04.2018. na Odluku o izboru najpovoljnijeg ponuđača u otvorenom postupku javne nabavke broj: 5741/18 od 13.04.2018. Temeljem prethodne žalbe Ugovorni organ je donio Rješenje broj: 6883/18 od 30.04.2018. godine o usvajanju žalbe kao osnovane na koje Rješenje je ponuđač podnio žalbu broj: 54-05/2018 od 03.05.2018.

Ugovorni organ je žalbu iz prethodnog stava ocijenio kao neosnovanu i aktom broj: 7348/18 od 09.05.2018. godine dostavio izjašnjenje na navode žalbe Uredu za razmatranje žalbi Filijala/ Podružnica Mostar.

Ured za razmatranje žalbi Filijala/ Podružnica Mostar je Rješenjem broj: JN2-03-07-1-624-8/18 od 24.05.2018. godine usvojilo žalbu **kao osnovanu**.

Prije nego se upustio u meritorno odlučivanje, Ugovorni organ je pristupio provjeri formalnih pretpostavki za ulaganje žalbe, koje moraju biti ispunjene na strani žalitelja, kako bi se uopće pristupilo njenom rješavanju, a odnose se na uslovljene pretpostavke u skladu sa članom 222. stav (1) Zakona o upravnom postupku BiH ("Službeni glasnik BiH" br: 29/02, 12/04, 93/09, 41/13 i 53/16), odnosno na dopuštenost, blagovremenost i izjavljenost od ovlaštene osobe, odnosno na pretpostavke propisane odredbama članova 100. i 101. Zakona o javnim nabavkama Bosne i Hercegovine.

Ispitujući pravne pretpostavke za postupanje po predmetnoj žalbi, Ugovorni organ je utvrdio da su udovoljene procesne pretpostavke za ulaganje žalbe, odnosno da je ova žalba blagovremena, dopuštena i izjavljena od ovlaštenog lica zbog čega je moguće daljnje postupanje po istoj.

Ugovorni organ je izvršio uvid u dokumente predmetne javne nabavke, zakonske i podzakonske akte kojim je regulisana ova javna nabavka, izvršena je analiza svakog dokaza pojedinačno i u njihovoj međusobnoj vezi a u odnosu na žalbene navode i propisani zakonski postupak i postupajući po navedenom Rješenju UŽR utvrđeno je da je **žalba osnovana**.

1. Vežano za žalbene navode žalitelja

Podnosilac žalbe podnosi žalbu zbog pogrešne primjene Zakona o javnim nabavkama BiH, pogrešne primjene Pravilnika o uslovima i korištenja e-Aukcije od strane Ugovornog organa, a zasniva je na sljedećim žalbenim navodima i to:

1. U Rješenju broj: 6883/18 od 30.04.2018. godine, Ugovorni organ je naveo da je žalba Konzorcija NV-INVEST d.o.o. Sarajevo i Šinvoz d.o.o. Zrenjanin osnovana, i istim je stavio van snage Odluku o izboru najpovoljnijeg ponuđača u otvorenom postupku javne nabavke broj: 5741/18 od 13.04.2018. godine.
2. U Rješenju pod tačkom 3. umjesto cijene od 60.000,00 KM bez PDV-a, treba da bude cijena u iznosu od 101.985,00 KM bez PDV-a.
3. Na strani 3. navedenog Rješenja broj: 6883/18 od 30.04.2018. godine, a obzirom da je žalba Ponuđača osnovana, navodi se da je Komisija za nabavke Ugovornog organa izvršila ponovni pregled i ocjenu primljenih ponuda, sačinila Zapisnik o ocjeni ponuda i između ostalog utvrdila da su **ponude sljedećih ponuđača nekvalifikovane** i nisu zadovoljile sve tražene kvalifikacione uslove tražene u tenderskoj dokumentaciji i to:
 - Ponuđač JP Zeljeznice FBiH d.o.o. Sarajevo,
 - Ponuđač RPV-REMONT I PROIZVODNJA ŽELJEZNIČKIH VOZILA d.o.o. Slavonski Brod,
 - Ponuđač Ganges International d.o.o. Beograd,
 - Ponuđač ROTAS RS d.o.o. Doboj (nije popunio obrazac za ponudu, nijednu opciju vezanu za podugovaranje, što je propisano TD i nema u aktuelnom izvodu iz sudskog registra registrovanu djelatnost za opravku košione opreme za šinska vozila),
 - Ponuđač ŽELVOZ 026 d.o.o. Smederevo (pogrešno popunjen obrazac za cijenu ponuda, ponuđač naveo paritet radionica naručioca radova, te je ugovorni organ ocjenio kao osnovan navod žalbe pod 1. i nisu dostavljeni validni dokumenti po članu 45.ZJN BiH, kao osnovan navod žalbe pod 2.)

Isto tako, Komisija za nabavku je utvrdila pod tačkom 6. Rješenja, da ponuda Ponuđača Konzorcija: NV-INVEST d.o.o. Sarajevo i Šinvoz d.o.o. Zrenjanin, ispunjava zahtjeve u pogledu opisa predmeta nabavke i tehničke specifikacije, što znači da je jedina kvalifikovana ponuda, ponuda Konzorcija: NV-INVEST d.o.o. Sarajevo i Šinvoz d.o.o. Zrenjanin.

4. Ugovorni organ je u Rješenju trebao navesti da će se ponovno provesti postupak e-Aukcije u skladu sa zakonskim i podzakonskim propisima za sve kvalifikovane ponuđače, ukoliko ih je više od jednog ponuđača.

Obrazloženje

Obzirom da je Komisija za javne nabavke Ugovornog organa utvrdila po žalbi Konzorcija NV-INVEST d.o.o. Sarajevo i Šinvoz d.o.o. Zrenjanin, i navela je u Rješenju broj: 6883/18 od 30.04.2018. godine, da je jedino kvalifikovana ponuda ponuđača Konzorcija: NV-INVEST d.o.o. Sarajevo i Šinvoz d.o.o. Zrenjanin, te je isto tako trebala u tački 3. Rješenja upisati iznos ponude od 101.985,00 KM bez PDV-a, a ponuđači ROTAS RS d.o.o. Doboj i Zelvoz 026 d.o.o. Smederevo, kao nekvalifikovani Ponuđači nisu ni mogli učestovati na provedenoj e-Aukciji, koja je održana 09.04.2018. godine u periodu trajanja e-Aukcije od 10:00 do 11:44 sati, a što je suprotno članu 69. ZJN BiH i članu 3. ZJN BiH.

Prema Pravilniku o uslovima i načinu korištenja e-Aukcije, u Članu 3. Pod stavom (3) je navedeno citirano "U slučaju prijema jedne prihvatljive ponude e-Aukcija se ne može zakazati, nego se postupak okončava u skladu sa članom 69. Zakona BiH", a isto je navedeno i u tenderskoj dokumentaciji na strani 2. pod tačkom 3.2..

ZAKLJUČAK

Ugovorni organ je trebao prihvatiti i navesti u Rješenju ponudu br. 01-03/2018, dostavljena dana 07.03.2018. godine, za ponudenu cijenu u iznosu od 101.985,00 KM bez PDV-a (Konačna cijena ponude prije provedene e-Aukcije), jer se e-Aukcija ne provodi kada je jedan kvalifikovan ponuđač, a Komisija ugovornog organa je i navela u Rješenju broj: 6883/18 od 30.04.2018. godine, da je jedni kvalifikovani ponuđači Konzorcij: NV-INVEST d.o.o. Sarajevo i Šinvoz d.o.o. Zrenjanin, dostavio ponudu, prema svim traženim kvalifikovanim tenderskim uslovima.

Obzirom na prethodno navedeno, podnosioc Žalbe,

PREDLAŽE

Da Ugovorni organ na osnovu člana 100. ZJN BiH ispravi navedeno Rješenje broj: 6883/18 od 30.04.2018. godine, samo pod tačkom 3., i navede da se Ugovor dodjeljuje ponuđaču Konzorcij: NV-INVEST d.o.o. Sarajevo i Šinvoz d.o.o. Zrenjanin, po ponudi br. 01-03/2018, dostavljena dana 07.03.2018. godine, za ponudenu cijenu u iznosu od 101.985,00 KM bez PDV-a (Konačna cijena ponude prije provedene e-Aukcije), kao jedinom kvalifikovanim ponuđaču.

Ugovorni organ temeljem Rješenja UŽR broj: JN2-03-07-1-624-8/18 od 24.05.2018. godine iste ocjenjuje kao osnovane i shodno tome izvršio je ispravku tačke 3. Dispozitiva Rješenja broj: 6883/18 od 30.04.2018. godine kao što je odlučeno u tački 2. dispozitivu ovog Rješenja.

Pouka o pravnom lijeku:

Protiv ovog Rješenja može se izjaviti žalba URŽ-u, putem Ugovornog organa, u roku od 5 (pet) dana od dana prijema Rješenja.

DOSTAVLJENO:

1x ponuđačima-učesnicima u postupku



DIREKTOR

Dr. sci. Munever Čergić, dipl.ing. rud.

Transakcijski računi:

| | | | |
|---------------------|--|---------------------|----------------------------------|
| 161 0250 007 190075 | Raiffeisen bank d.d. BiH, filijala Tuzla | 306 0450 080 163538 | Hypo Alpe Adria bank Bosnia d.d. |
| 132 1300 309 179345 | NLB Banka d.d. Tuzla, filijala Banovići | 140 4010 018 681113 | Sberbank BH d.d. Sarajevo |
| 187 2000 000 044917 | Postbank BH d.d. Sarajevo, filijala Živinice | 186 0001 048 962098 | Turkish Ziraat bank Bosnia d.d. |
| 154 3602 003 310866 | Intesa Sanpaolo banka d.d. BiH | 338 4402 212 197081 | UniCredit banka d.d. Mostar |
| 555 0530 049 467130 | Nova banka AD Banja Luka, ekspozit. Tuzla | | |

RMU.423-08